

澹齋內言 澹齋外言
與古人書 東溟蠡測



東
溟
蠡
測

李儒烈
撰

中
華
書
局

東溟蠡測一卷

嘉禾見川李儒烈

夜氣卽一團元氣人若保養得好天真固而天德可達

或問曰心可斂乎曰可虎豹在山猶可撻之况心是自家物如何不可收拾纔收拾卽此而在矣

心者吾身之主身之動罔吉心之弗端爲之也魯頌曰思無邪可不慎與

赤子之心純乎一元旣而突弁始二其天學而盡性可還其本然

一心不可二用猶一斧不可削二木也蓋心一也而

二用之是二其心矣心有二乎哉吾知無是理也
人有恒言曰天自天人自人上下不相關也豈知一
心可以貫天人乎果能以天心視吾心則天人便不
相遠

天人之際未易名言惟靜觀之自見若一念爲善便
是天一念爲惡恐恐然畏人知便是人故曰察天人
之際者存乎心

惟靜可以見心惟靜可以見道惟靜可以見物默坐
細思量萬事萬化都是此中流出

伯起畏四知自我觀之只畏一知吾人所畏惟天而

神郎天郎心人已之心更無二也若不畏天知則天下事那一件不可爲故曰欺心者欺天古云真我師也

人而不學猶夢而不覺也讀書窮理所以覺吾夢也是學也者真覺之關乎深體之可見

義公心也利私心也然而有義中之利利中之義者可不察乎如爲己是義一有爲己之心便是非義如爲人是利苟有爲人利物之心便是非利故曰無所爲而爲者存乎義有所爲而爲者存乎利南軒義利之辨意亦如此

余嘗登書樓越級而上反蹶焉歷階而進裕如也因歎進學之道猶是矣欲速者不達循序者有功此之謂乎

士希賢賢希聖聖希天天也聖也賢也士也其心一也余嘗曰三希尺一心外心而希者難乎爲希矣讀書以窮理亦所養心苟讀未到怡然冰釋渙然理順處道理終不爲我有雖五車三峽亦何益哉

作文所以代聖賢說話當味聖賢所以說此者其意何如乃爲有得苟不得其心而徒以訓辭釋字爲主何雖筆掃風雲詞聯月露亦贅疣而已